

佛法不離生活

1999年10月22日

- 1.時吉祥雲比丘告善財言：善哉，善哉！善男子，汝已能發阿耨多羅三藐三菩提心，是事為難。復能問行菩薩行，難中之難。
- 2.所謂勤求菩薩道，菩薩境界，廣博淨行，出現神變，示現廣大諸解脫門，示現世間種種作業，隨順眾生種種心行，示現入出生死涅槃，於為無為心無所著，除斷眾生種種煩惱微細過失。
- 3.善男子，我得自在決定解力。信眼清淨，智光照耀，普眼明徹，具清淨行。
- 4.慧眼遍觀一切境界，善巧方便，離一切障。
- 5.以清淨身，普詣十方一切國土，恭敬供養一切諸佛。以信解力，常念十方一切諸佛。以總持力，受持十方一切佛法。以智慧眼，常見十方一切諸佛。
- 6.隨其所見，一一方中，所有諸佛，種種色相，形貌、神通、受用、遊戲，眾會莊嚴道場，光明無邊照耀，宮殿莊嚴國界，壽量示有修短。隨諸眾生種種心樂，示現種種成正覺門。於大眾中，廣現神變，作師子吼，度脫眾生。

（節錄 華嚴經入法界品吉祥雲章）